

partioj, doktrinoj, opinioj, institucioj; ~a *spirito*; ~ismo. 2 Karakterizas okupon, kiu necesigas precipe intelektan laboron (instruisto, sciencisto, kuracisto kc): ~a *profesio*; ~aj *artoj*.

libertinismo ☞. Liberigo el religiaj kredoj k praktikoj. Kp LIBERPENSULO.

libido ☞. Psika energio, konsiderata de la psikanalizistoj kiel konsistanta principe en la seksa impulso.

* **Libro**. 1 Bindita aŭ broŝurita paperfoliaro, kun presita teksto: *sciencia, literatura* ~o; *nur* ~a (ĉerpita el ~oj, ne el sperto; kabineta) *scienco*; *koni la lingvon* ~e, *sed ne libere*. 2 Samforma paperfoliaro destinita por ke oni skribu en ĝi: *komerca* ~o; *memor*~o; *not*~o (Kp KAJERO, REGISTRO). 3 Nomo de grandaj dividoj de verko. Kp ĈAPITRO, VOLUMO. ~**(oten)ejo**. Ĉambro, en kiu oni konservas multajn ~ojn. Kp BIBLIOTEKO. ~**(ovend)ejo**. Butiko, en kiu oni vendas ~ojn. ~**eto**. 1 Malgranda ~o. 2 ~o enhavanta la parolojn de operverko. 3 Tiuj paroloj mem. ~**otenado**. Enskribado de en- k elspezoj en komercajn ~ojn. **Jar**~o. ~o ĉiujare aperanta k prezentanta la ĉefajn okazontaĵojn de la jaro koncernantaĵojn ian societojn aŭ fakojn.

Liceo. Mezgrada lernejo; gimnazio.

licencio. Universita rango, meza inter matureca ekzameno k doktoreco: ~ato Z, ~ulo (magistro).

liclo ☞. G. de solanacoj, arbedo (*lycium*).

* **Lieno**. Granda mola k spongeca glando, ĉe maldekstra flanko de ventro, kie formiĝas k detruigas la ruĝaj globetoj de sango.

Lifto. Aparato por suprenlevi personojn aŭ objektojn ĝis la diversaj etaĝoj de domo aŭ konstruo.

* **Ligi** (tr). 1 Fiksi, ĉirkaŭvolvi per ŝnuro, ĉeno aŭ alia rimedo malhelpante liberan movon: ~i *sovaĝan beston, frenezulon, hundon per ĉeno*; (f): ~i *la okulojn de iu Z, ĉies intereson*; *tio ĉi tute senbezono* ~us *nin Z*; *ne nomu min plu majstro, ĉar per tiu morale tro* ~anta *nomo* ~i *malliberigas nian aferon Z*. Kp KATENI. 2 Fiksi per ŝnuro aŭ alia kunigilo plurajn objektojn aŭ partojn: ~i *vergojn, buk-*

edon, faskon; ~i *keston, pakafon*; ~i *rompitan membron, arterion*; ~i *medalon ĉe la kolo*; (f) ~i *la okulojn al la tero*; *multaj memoraroj estas* ~itaj *al tiu loko*. (Kp NODI, INTERPLEKTI, KROĈI, ALĈENIGI, ALGLUI, ALTENI, NAJLI). 3 Kunigi plurajn aferojn per ia rilato de sinsekvo aŭ kaŭzeco: *parolante* ~i *la silabojn*; ~i *propoziciojn per konjunkcioj*; ~i *la ideojn*; ~i *literojn en skribo*; ~i *utilecon kun agrableco, praktikan spiriton kun idealismo*; en la unuaj jaroj la akiro de ĉiu nova esp-isto estis ~ita kun senfina laborado k oferado Z; lia morto estas sendube ~ita kun tiuj grandaj laboroj k malagrablecoj Z; esp-ismo estas forte ~ita kun ia interna ideo Z; ĉion, kion Z diras aŭ faras, oni ~as kun esp-o Z; malvasta ~iteco ekzistas inter ambaŭ demandoj Z; pli granda pago devas esti ~ita kun pli grandaj rajtoj Z; paroli sen senco k sen inter~o Z; la inter~iteco de ambaŭ aferoj Z. 4 Kunigi plurajn personojn per amikaj aŭ samcelaj rilatoj: *amikoj, kiujn* ~as *la sama ideo, la samaj aspiroj k esperoj Z*; *sin* ~i *kun iu edziĝe, amike, per amikeco*; ~i *amikajn rilatojn kun iu Z*; *ni deziras krei* ~antan *ponton inter la gentoj Z*; ~i *du regnojn per kontraktado*. 5 Interrilati, interkomunikiĝi: ~i *du landojn per fervojo, per ponto*. ~o. 1 Ago ~i. 2 Ago sin ~i por komuna celo. 3 Asocio, unuiĝo por komuna celo: la ~o de la nacioj; ~o kontraŭ milito; *starigi maristan* ~on. ~ilo. Ĉio, kio servas por ~i: *leda, pajla* ~ilo; (f) *la* ~ilo de la edzeco, de la amikeco; estas danĝere ŝiri ĉiun ~ilon kun la pasintaĵo. Al~i (tr). 1 Fiksi ion ~ante al io: *al~i boaton al bordo*. 2 Kunigi du aferojn per intima rilato: *al~i multe da graveco al io Z* (rigardi kiel tre gravan); *al~i signifon al sono*. 3 Kunigi du personojn per forta sento: *servisto al~ita al la mastro*; *al~iteco al familio* (Kp SINDONEMO, FIDELECO). **Ĉirkaŭ**~i (tr). Ĉirkaŭvolvi ion per ~ilo: *ĉirkaŭ~i membron per bandaĝo, bandaĝon ĉirkaŭ membro*. **Kun**~i (tr). Kunigi ~ante: (f) *kun~i du malfortojn por kontraŭstari al forto*. **Mal**~i (tr). Liberigi el ~iloj: *mal~iĝi de partio*.

ligamento ♥. Fibreca ligaĵo, kiu kunligas ostojn aŭ altenas internajn korpopartojn.